

# Spórt

**Ceist 1** Beidh tú ag féachaint anois ar thuirisc faoi chúrsaí spóirt an lae. Sula bhféachann tú ar an mír, bí ag obair leis an duine in aice leat agus déan iarracht na ceisteanna seo a fhreagairt.

Cad atá ar eolas agat faoi Alberto Contador?

An bhfuil tú in ann rothaí Éireannach cáiliúil ar bith a ainmniú?

**Ceist 2** Féach ar an mír anois. Déan iarracht na téarmaí thíos a mheaitseáil leis an aistriúchán ceart.

Tests \_\_\_\_\_ Idirnáisiúnta

New Year \_\_\_\_\_ Staid

International \_\_\_\_\_ Ceiliúradh

Premiership \_\_\_\_\_ Craobh

Against \_\_\_\_\_ Príomhroinn

Professional \_\_\_\_\_ Tástálacha

Championship \_\_\_\_\_ Athbhliain


Stadium \_\_\_\_\_ Bratacha

Flags/Banners \_\_\_\_\_ In aghaidh

Celebration \_\_\_\_\_ Gairmiúil

**Ceist 3** Déan iarracht na bearnaí a líonadh leis na focail chearta ón gcirocal thíos.

Agus ar \_\_\_\_\_ anocht, ní 'chuile dhuine a bhí sásta, an gcreidfeá é, ag deireadh cluiche \_\_\_\_\_ na Máirte seo caite i Staid Aviva, mar ainneoin gur cháilíomar do chraobhacha na hEorpa den chéad uair ó 1988 i leith chuaigh sé cinn de bhratacha \_\_\_\_\_ lucht tacaíochta na hÉireann amú le linn an cheiliúradh \_\_\_\_\_ ag deireadh an chluiche sin. Tá \_\_\_\_\_ déanta ag an suíomh idirlín, youboysingreen.ie ar pé duine a thóg ceann iad a thabhairt ar ais. Fritheadh \_\_\_\_\_ acu níos déanaí an oíche sin taobh amuigh de thithe tábhairne, ach tá ceithre cinn acu fós ar iarraidh.



**Ceist 4** Féach ar an mír arís agus dean iarracht na ceisteanna thíos a fhreagairt.

1. Cén mórchomórtas a bhuaigh Alberto Contador sa bhliain 2010?
2. Cén dá fhoireann a bhí ag imirt i bpríomhroinn Shasana?
3. Cén fhoireann lena n-imríonn captaen na hÉireann, Robbie Keane?
4. Cén bhliain dheireanach a cháligh foireann na hÉireann do Chraobh na hEorpa?
5. Cad a tharla le linn an cheiliúradh?
6. Cé mhéad bratach atá faighte ar ais?

**Ceist 5** *‘Mairfidh an éisteacht...’*

Cén aimsir atá i gceist san fhrása thuas?

Déan iarracht na lúbíní a bhaint agus na briathra a chur san aimsir fháistineach.

1. (Bris) Seán an fhuinneog.
2. (Tar) an Garda leis an sáirsint níos déanaí.
3. (Fill) Breandán ar a naoi.
4. (Lean) mé Liam abhaile anocht.
5. (Rith) Críostóir ar scoil amárach.
6. (Ith) Lisa a bricfeasta go moch maidin amárach.
7. Ní (fan) mé le mo mhamó oíche amárach.
8. (Ól + sinn) deoch roimh dhul a chodladh.
9. Ní (glan) sibh na gréithe i bhur ndiaidh.
10. (Ceannaigh) Pilib hata nua amárach

**Ceist 6** Pléigh an ráiteas thíos leis an duine in aice leat nó mar rún díospóireachta sa rang.

*‘Is mó dochar a dhéanann an t-airgead don spórt ná dópáil’*

## Treoracha agus Freagraí

**Ceist 1** Is féidir na ceisteanna seo a phlé leis an duine in aice leat.

**Ceist 2**

Tests_____	<b>Tástálacha</b>
New Year_____	<b>Athbhliain</b>
International_____	<b>Idirnáisiúnta</b>
Premiership_____	<b>Príomhroinn</b>
Against_____	<b>In aghaidh</b>
Professional_____	<b>Gairmiúil</b>
Championship_____	<b>Craobh</b>
Stadium_____	<b>Staid</b>
Flags/Banners_____	<b>Bratacha</b>
Celebration_____	<b>Ceiliúradh</b>

**Ceist 3** Agus ar **deireadh** anocht, ní 'chuile dhuine a bhí sásta, an gcreidfeá é, ag deireadh cluiche **mór** na Máirte seo caite i Staid Aviva, mar ainneoin gur cháilíomar do chraobhacha na hEorpa den chéad uair ó 1988 i leith chuaigh sé cinn de bhratacha **móra** lucht tacaíochta na hÉireann amú le linn an cheiliúradh **go léir** ag deireadh an chluiche sin. Tá **achainí** déanta ag an suíomh idirlín, youboysingreen.ie ar pé duine a thóg ceann iad a thabhairt ar ais. Fritheah **péire** acu níos déanaí an oíche sin taobh amuigh de thithe tábhairne, ach tá ceithre cinn acu fós ar iarraidh.

- Ceist 4**
1. Bhuaigh Alberto Contador an Tour De France sa bhliain 2010.
  2. Bhí Tottenham Hotspurs agus Aston Villa ag imirt sa phríomhroinn.
  3. Imríonn Robbie Keane le L.A. Galaxy.
  4. Cháiligh Éire don uair dheireanach do Chraobh na hEorpa i 1988.
  5. Chuaigh sé bhrat ar fad amú.
  6. Tá péire acu faighte ar ais go dtí seo.

**Ceist 5** An aimsir fháistineach atá i gceist

1. **Brisfidh** Seán an fhuinneog.
2. **Tiocfaidh** an Garda leis an sáirsint níos déanaí.
3. **Fillfidh** Breandán ar a naoi.
4. **Leanfaidh** mé Liam abhaile anocht.
5. **Rithfidh** Críostóir ar scoil amárach.
6. **Íosfaidh** Lisa a bricfeasta go moch maidin amárach.
7. Ní **ghanfaidh** mé le mo mhamó oíche amárach.
8. **Ólfaimid** deoch roimh dhul a chodladh.
9. Ní **ghlanfaidh** sibh na gréithe i bhur ndiaidh.
10. **Ceannóidh** Pilib hata nua amárach

**Ceist 6** Is féidir an ráiteas a phlé nó díospóireacht a dhéanamh, má tá am ann.

## Rónán Mac an Iomaire

Tá cás fríth-dhópála in aghaidh rothaí clúiteach na Spáinne, Alberto Contador tosaithe ag an gCúirt Eadrána Spóirt, i Lausanne na hEilbhéise inniu agus an baol ann go gcuirfead a bhua i Tour De France na bliana 2010 ar neamhní má rialaítear ina aghaidh. Theip Contador tástálacha fríth-dhópála ag deireadh an rása sin nuair a fritheadh rian den chógas anabalach Clenbutarol i sampla a thug sé, ach rialaigh Aontas Rothaíochta na Spáinne nach raibh cás le freagairt aige de bharr gur ghlac siad lena mhíniú go raibh a fhuail truailithe<sup>i</sup>, a deir sé, ó tháinig an cógas siúd ina chóras. Rinne an t-Aontas Rothaíochta Idirnáisiúnta agus W.A.D.A, an ghníomhaireacht fríth-dhópála domhanda achomharc ar an gcinneadh sin. Ceithre lá atá súil a mhairfidh<sup>ii</sup> an éisteacht úd cé nach bhfuil súil leis an léamh go dtí tús na hathbhliana.

Cúrsaí sacair anois, agus imreofar cluiche amháin i bpríomhroinn sacair Shasana anocht agus deis ag Tottenham Hotspurs bogadh suas chuig an tríú háit sa tsraith ach an ceann is fearr a fháil ar Aston Villa i White Hart Lane ar ball beag.

Níos faide ó bhaile anois, chuir Robbie Keane clabhsúr le sársheachtain go deo ina shaol gairmiúil freisin nuair a bhuaigh<sup>iii</sup> a chlub L.A. Galaxy craobh MLS Mheiriceá aréir. Captaen na hÉireann é féin leis an bpas<sup>iv</sup> a d'fhág Langdon Donovan tríd leis an aon chúl sa chluiche<sup>v</sup> a scóráil in aghaidh na Houston Dynamo. Cheap Keane é féin go raibh a fhoireann curtha chun cinn aigesean roimhe sin, ach rialaíodh go raibh sé as an imirt leis an iarracht seo. Gaisce mór a bhí i<sup>vi</sup> mbua na hoíche aréir L.A. Galaxy go deimhin, an chéad chraobh buaite<sup>vii</sup> acu ó 2005 i leith ach seans gurb é an cluiche deireanach é ag David Beckham leis an gclub sin agus ráflaí forleathan ann go bhfuil sé siúd ar tí filleadh ar an Eoraip.

Agus ar deireadh anocht, ní 'chuile dhuine a bhí sásta, an gcreidfeá é, ag deireadh cluiche mór na Máirte seo caite i Staid Aviva, mar ainneoin gur cháilíomar do chraobhacha na hEorpa den chéad uair ó 1988 i leith, chuaigh sé cinn de bhratacha móra lucht tacaíochta na hÉireann amú le linn an cheiliúradh go léir ag deireadh an chluiche sin. Tá achainí déanta ag an suíomh idirlín, youboysingreen.ie ar pé duine a thóg ceann iad a thabhairt ar ais. Fritheadh péire acu níos déanaí an oíche sin taobh amuigh de thithe tábhairne, ach tá ceithre cinn acu fós ar iarraidh.

---

<sup>i</sup> Thruailithe a deirtear

<sup>ii</sup> A mhairfeas a deirtear

<sup>iii</sup> Nuair a ghruaigh a deirtear

<sup>iv</sup> Leis an pas a deirtear

<sup>v</sup> Sa gcluiche a deirtear i nGaeilge Chonamara

<sup>vi</sup> Sa mbua a deirtear sa mhír

<sup>vii</sup> Gruaite a deirtear